

MODALEN KOMMUNE
Mo
5729 Modalen

Att.Mona Grenasberg

Dato	14.06.2022
Vår referanse	2022/20100-29
Dykkar referanse	
Sakshandsamar	Kari Skibenes
E-post	Kari.Skibenes@vlfk.no
Telefon	48990341

Vedtak om tilskot til prosjekt og kompetanseheving i biblioteka 2022

Vi viser til søknad om Tilskot til prosjekt og kompetanseheving i biblioteka 2022.

Hovudutval for kultur, idrett og integrering vedtok i møte 24.05.22 å løyve 500 000 kroner til i alt 15 prosjekt/tiltak. Fylkesdirektøren si innstilling vart samrøystes vedteken.

Ved søknadsfristen var det kome inn 19 søknader. Samla søknadssum var 796 500 kroner.

De vart tildelt tilskot på 20 000 kr til prosjektet «Levande arrangement i kryssningspunkt mellom samfunn og litteratur».

[Sjå politisk sak 80/2022 med vedlegg for heile saksframstillinga.](#)

Grunngeving:

I søknaden dykkar er det to ulike tiltak, og berre det eine fell inn under føremålet for ordninga.

Arrangementa det er søkt støtte til er høgaktuelle og legg til rette for opplysning, meningsutveksling og debatt i biblioteket. Noko mangelfullt samsvar mellom budsjett og planlagt aktivitet gjer at tildelinga vert mindre enn de har søkt om.

Fylkeskommunen gir ikkje økonomisk støtte til kompetansehevinga som er nevnt i søknaden. Det er eit kommunalt ansvar å sikre bibliotekfagleg kompetanse hos biblioteksjefen når det er tilsett biblioteksjef utan bibliotekfagleg utdanning.

Prioriteringa er gjort med utgangspunkt i føremålet med ordninga og kriteria fastsett i vedtekne retningsliner, jf. <https://www.vestlandfylke.no/kultur/bibliotekutvikling/tilskot-prosjekt-kompetanseheving-2022/>

Det er knytt følgjande vilkår til utbetaling av midlane

Utbetaling og rapportering:

- Tilskotet vert som hovudregel utbetalt når vi får melding om at prosjektet/tiltaket er gjennomført og vi har motteke rapport og rekneskap.
- Prosjektet/tiltaket må vere gjennomført i samsvar med søknad. Eventuelle endringar av vesentleg grad skal meldast til sakshandsamar.

- Frist for å rapportere er tre månader etter at tiltaket/prosjektet er gjennomført.
- Rapport skal sendast til post@vlfk.no merka med saksnummer 2022/20100. Rapporten skal gje ei kortfatta skildring av:
 - Når, kor og korleis tiltaket vart gjennomført
 - Eventuelle avvik frå vilkåra med nærare grunngjeving
 - Eventuelle avvik frå søknadsgrunnlag (planar/budsjett) med grunngjeving
- Dersom rapport og rekneskap ikkje vert levert innan fristen, vil det vere eit brot på vilkåra for tildelinga.

Etter å ha motteke godkjenning av rapport og rekneskap, får de utbetalt tilskot ved å sende oss elektronisk faktura i EHF-format.

[Slik sender de faktura til Vestland fylkeskommune.](#)

Merk «Dykkar referanse» med ressursnr.: 10169, saksnr.: 2022/20100 og prosjektnr.: 400331

Kontroll:

- Dersom prosjektet vert avlyst, utsett eller vesentleg endra, kan heile eller deler av tilskotet krevjast tilbake.
- Fylkeskommunen og fylkeskommunen sin revisor skal ha høve til å setje i verk kontroll med at tilskotet er nytta som føresett. Fylkeskommunen og fylkeskommunen sin revisor skal ha rett til dei dokument og opplysningar ein finn påkrevd ved kontroll.

Informasjon og tilgjenge:

- Det skal komme tydeleg fram i informasjonsmateriell med meir at fylkeskommunen er tilskotsgjevar. <https://www.vestlandfylke.no/om-oss/grafisk-profil/>
- Ved opne arrangement med publikum er det eit krav at ein aksepterer følgjekort for funksjonshemma.
- Fylkeskommunen føreset at mottakar av tilskot deler erfaringar og kunnskap frå prosjekt/tiltak ved aktuelle høve, som t.d. på kurs og seminar, skriftleg informasjon mm.
- Omtale og bilete frå prosjektet kan offentleggjerast i fylkeskommunen sine kommunikasjonskanalar og i presseomtale.

Innsynsrett

Saksframstillinga er offentleg og du har rett til å sjå alle dokument i saka. Eventuelle spørsmål i tilknytning til dette brevet kan du rette til sakshandsamar.

Vi oppmodar søkjarane om å søke tilskot også ved seinare høve. Ta gjerne kontakt med oss for rettleiing eller fagleg kvalitetssikring i forkant.

Med helsing

Per Morten Ekerhovd
avdelingsdirektør
Kultur, idrett og inkludering (KII)

Elin Golten
seksjonssjef
KII - Bibliotekutvikling

Brevet er elektronisk godkjent og har difor inga handskriven underskrift